

doret. I. i. Histor. Eccles. c. 9. Si quis forte ecclesiæ præfus obdormierit, jus esto paulò ante receptis succedere in locum demortui, si modo & mereri videbuntur, & populus elegerit, sic tamen ut suffragium & quasi signatio accedit Episcopi Catholicae Alexandrinae Ecclesie. Eadem fuit sententia Conciliorum Antiocheni, Constantinopol. I. Carthagin. III. Aurelianensis III. Toletani IV. in Jur. Can. Decret. Imâ part. dist. 23. c. 1. Nulla ratio sinit, ut inter Episcopos habeantur, qui nec à Clericis sint electi nec à plebibus expetiti, nec à comprovincialibus episcopis cum Metropol. judicio consecrati. Antiquus etiam est Canon Stephani Episc. Rom. circa medium Sec. III. Sacerdotum est electio, populi fidelis est humiliter consentire. In Epist. Leonis 87 al. 89. decret p. I. dist. 63. c. 27. Testimonia populorum, arbitrium honoratum, electio clericorum in ordinationibus sacerdotum expectentur. Vid. Cyprian. I. i. Epistolarum Epist. 4. edit. Erasm. ubi mentionem facit suffragii universæ fraternitatis & judicii episcoporum. Theodor. I. 4. hist. Eccles. c. 20. testatur, quod post obitum Athanasii, Petrus, vir præstantissimus sacerdotium suscepit, quem primus quidem Pontifex ille beatissimus suffragio suo designarit episcopum, cuncti vero electionem comprobaverint, tam sacerdotalis ordinis viri, quam Magistratus honorati: sed & universus populus latitudinem suam faustis acclamacionibus declaraverit.

§. 7. Hoc ipsum etiam ordinarunt passim Evangelicæ Ecclesiæ, & Magistratus in Constitutionibus Ecclesiasticis, ut non excludatur ministerium ab electione ministrorum Ecclesiæ. Eandem sententiam amplexi sunt semper nostrarum Ecclesiarum Doctores. Hinc Luth. Tom. 8. Jen. f. 327. illum furem & homicidiam vocat, qui absque præscitu & consensu ministerii ad officium Ecclesiasticum admovetur. Vid. Luth. Tom. 6. f. 376. Martin. Chemnit. part. 3. LL. Theol. p. 325. scribit: Non licet pro Magistratu sine voluntate & consensu Ministerii & reliquæ Ecclesiæ vocare & constitutere ministros Ecclesiæ. Eadem apud veteres Theologos, Mörlinum, Brentium, Heshusium, & Selneccerum reperi licet.

§. 8. Denique (5) res ipsa postulat, ut Ministerium in electione ministrorum Ecclesiæ non excludatur: imprimis enim requiritur, ut sat constet de eruditione ministri eligendi, & qualitatibus ejus & aptitudine ad officium Ecclesiasticum, de quibus nemo in Ecclesiâ rectius judicare potest, quam ministerium.